

台
州
札
記

台州札記卷十一

臨海洪頤煊

趙孟貫

樂郊私語州學在淨業寺南有至元六年知州趙孟貫賈禧重修碑趙字子唯台州黃巖人治海上有惠政民到於今猶念之其祖子英為宋宗正少卿南遷時以宗室從為黃巖丞遂家焉有子六人皆以文學登臚仕至其孫師淵為太丞常丞師夏為宗判受業於紫陽之門且締姻焉故能以禮世其家施於有政云

胡石塘

遂昌雜錄金華胡石塘先生以崔中丞薦見世祖
顧問所答不稱旨出為揚州路儒學教授除台州寧
海簿愛縣民如子上司誅求身當之素客於杭以古
文倡人求記碣序贊稍不順理難雖百金作也居青
蓮寺後為鹽場司丞浙省以是年秋試屈先生為試
官復來青蓮寺歿寺中歿時當嚴冬尚未挾纊是日
元祐往候之項可立煮三建湯飲之猶力疾答揚州
盛恕齋書語次又訓飭學者以自樹立氣益索扶之
上臥榻即跌跏坐逝歛後天台周本心時浙省掾掾
率學徒私諡修道先生

宋景濂集胡長孺傳轉台州路寧海縣主簿邑有桐

巖惡少年徂伺其間恆出鈔道為過客患官不能禁
長孺為衣商人服令蒼頭負貨以從陰戒騎卒十人
躡其後長孺至巖中人突出要之長孺方遜辭謝騎
卒俄集皆成擒俾盡逮其黨寘於法行者無虞民荷
溺器糞田偶觸軍卒衣卒杖傷民且碎器而去竟不
知主名民來訴陽怒其誣械於市俾左右潛偵之向
杖者過馬戟手稱快執詣所隸杖而還其器羣姬聚
浮屠菴誦佛書為祈禳一姬失其衣適長孺出鄉姬
訟之長孺以年麥實羣姬合掌中命繞佛誦書如初
長孺閉目叩齒作集神狀且曰吾使神監之矣盜衣
者行數周麥當芽一姬屢開掌視長孺指縛之還所

竊衣

柯謙

遂昌雜錄浙江儒學提舉柯山齋諱謙字自牧嘗往
訪胡穆仲先生時天大異寒日出已久而先生尚未
起柯曰何為先生曰天寒未挾纊故尚卧耳於是柯
往宗陽宮語杜南谷尊師曰胡穆仲苦寒無綿襖尚
僵卧在家杜即惻然攜十兩絮兩縑絹往遺之先生
堅拒不肯受杜異敬能禮賢而先生清節若是要皆
難得柯之子字敬仲諱九思際遇文廟官至儒林郎
奎章閣鑒書博士卒於吳

謝晟孫

黃文獻集信州路總管府判官謝公墓誌銘公諱晟
孫字唐卿姓謝氏宋丞相太師魯惠正王四世孫也
曾祖諱渠伯朝奉大夫贈太師追封衛王諡恭簡祖
諱奕昌少保保寧軍節度使祁國公贈太師追封魏
王諡莊憲考諱暨兵部侍郎換保寧軍節度使贈開
府儀同三司諡懿敏妣魏氏通義郡夫人公幼聰慧
稍長自能檢飭刮摩綺紈之習而自齒於韋布咸淳
間用世澤入官至太社令德祐初差通判安吉州除
軍器少監累階朝散郎入國朝用近臣薦授承務郎
信州路總督判官拜命即辭不赴閭公復為翰長徐
公瑛為中執法或舉公可直詞林或舉公可佐憲府

而公終不以仕進屑其意扁所居扁堂曰退菴書數
千卷以教子為務公性素樂易與人交尊官大人來
江南者若馬公紹董公文用高公克恭李公衍無不
慕而與之游公為商畧古今間語及承平故事疊疊
不倦遇風日清美輒與勝流韻士酣嬉於水光山色
間所為詩直以寫其胸中之趣不苟事藻飾求媚俗
也公既無累於物益自厚以尊其生百年之耆舊凋
落殆盡而公巋然獨存耄期之歲童顏不衰知之者
愛其有老成之典刑不知者疑其神仙中人也以至
正二七年七月二十四日卒享年八十有六

李洧孫

黃文獻潛文集霽峰李先生墓誌銘先生諱洵孫字
山甫姓李氏台之寧海人父寅與同里葉公夢鼎俱
受業直龍圖閣鄭公霖葉公後由太學釋褐至丞相
先生之父故為布衣先生壯童即能讀父書既成人
師事太學博士舒公津學日以進方是時羈旅之士
得郡試於漕漕司號曰寓試就試者動萬數歲甲子
先生年二十有二以詞賦中其選第一已而上春官
不合鄉先達右司郎官陳公緯憐其才宦游所至恆
引以自近癸酉更以國子舉預奏名遂擢甲戌進士
授迪功郎黃州司戶參軍未上而黃州以版圖歸職
方先生棲遲海濱者餘二十年有終焉之志郡府或

以先生名剡上先生為強起詣京師述大都賦以獻
時大德二年也居無何而居歸六年得杭州路儒學
教授延祐元年以選為江浙同考試官三年調臨江
路儒學教授七年復充江西同考試官至治三年以
從仕郎台州路黃巖州判官致仕天厯二年三月二
十八日卒於官先生所著詩賦贊頌箴銘表啟碑誌
序說總若干卷唯大都賦今行於世重修台州圖經
列於官書

劉環翁

黃文獻集將仕郎建德錄事劉君墓誌銘君諱環翁
姓劉氏其先自婺之金華徙台之寧海居縣東北之

閭風山君生三歲而不能言既成童敏悟絕人讀書
至忘寢食母懼其以勞致疾禁弗與燈燭君竊篝火
閉窗隙坐必至四鼓年踰弱冠出從名師受春秋學
取元統元年鄉薦會科舉事廢執其業不少懈以至
正四年再薦於鄉登五年進士第授將仕郎建德錄
事有在君弟子列而與君為同年者死於疫君經紀
其喪事因染疾而卒母與仲兄卜以某年某月某日
葬於某鄉某原且以狀來謁銘予筮仕寧海聞閭風
山中有兩先生曰劉公某曰舒公岳祥並以文章大
家師表一時心甚嚮往之而兩先生之不可作已久
暨尋交於君乃知君於劉公為從曾孫舒公之子叔

獻則君所受業也木水本源有自來哉始進義府府
君有子十二而天臨終言我死當復為劉氏子後十
年見勞於父母曰我至矣果得子八歲而又天後二
年復見於夢於父母曰父母撫我厚豈忍捨去而生
君遂取昔人識環事名之曰環而字之環翁其再薦
也適感異夢乃以字鳴名曰環翁云

陳孚

四庫全書總目觀光稿一卷交訓州稿一卷玉堂彙一
卷附錄一卷元陳孚撰孚字剛中天台臨海人歷官
奉直大夫台州路總管府治中是編凡分三集觀光
稿為至元中孚以布衣上大一統賦江浙行省聞於

朝署上蔡書院山長考滿謁選京師時作交州稿為
至元二十九年世祖命梁曾以吏部尚書再使安南
孚以翰林國史院編修官攝禮部郎中為副使往來
道中之作玉堂稿皆孚官翰林日作案孚使安南回
擢翰林待制仍兼國史院編修而橐中有翰苑薦為
應奉文字二十韻謝大司徒并呈諸學士一首又有
至元壬辰呈翰林請補外二首壬辰即使還之次年
是前後官翰林所作均在此集也觀光交州二稿皆
紀道路所經山川古蹟蓋仿范成大使北諸詩而大
致亦復相埒玉堂橐多春春容諧雅渢渢乎治世之音
其上都紀行之作與前二稿工力相敵蓋摹繪土風

最所留意矣附錄一卷皆載論安南詔安南謝罪表
及孚與安南諸書考孚元史無傳其出使始末乃載
梁曾傳中元史陳孚傳在儒學惟使其時陳世燁不
安南事不及梁曾傳之詳出郊迎又不延使自陽明中門入孚作三書責之辭
直氣壯迄不辱命然傳不載其書辭此卷亦足補史
闕也陶宗儀輟耕錄記孚少嘗為僧題詩於父執之
壁父執知其欲歸俗因使養髮妻之以女其詩淺鄙
其事亦不知有無小說多誣不盡可信集中不載顧
嗣立元詩選初集乃錄之補遺中殊失別擇今無取
焉

山房隨筆天台陳剛中孚在燕端陽日當母誕作太

常引二章云綵絲堂上簇蘭麝記生母正今朝無地
捧金焦奈烟水龍沙路遥碧天迢遞白雲何處急雨
瀟瀟萬里夢魂消待飛逐錢唐夜潮其二短衣孤劍
客乾坤奈無策報親恩三載隔晨昏更疎雨寒燈斷
魂赤城霞外西風鶴髮猶想倚柴門蒲醅漫盈樽倩
誰寫青山淚痕時為編修云

元初詩家

元詩選永嘉李孝光序丁復詩曰國初以來臨海為
詩數十家其什曰閩風樗園山南天逸素心聖泉其
後又有張子先陳剛中楊景義義皆自樹一家足名
世間風舒岳祥樗園劉莊孫山南王應高天逸高耕

聖臬盛象翁惟素心張子先未詳其人

周仁榮

南村輟耕錄吾鄉周待制先生仁榮字本心築一室
纔落成友人楊公道輿疾至門曰願假君新宅以死
先生讓正寢居之妻子咸不然先生弗顧未幾楊死
箱廿八莫有主者楊之弟詣先生求分財先生曰若
兄寄死於我意固在是喪事之費自己出終不利其
一毫對衆封籍自平陽呼其子來悉付與之

書史會要周仁榮字本心天台人由文學累官至翰林
待制以文章名而楷書宗歐陽率更尤為時所重

四庫全書總目月屋漫稿一卷元黃庚撰庚字星甫
天台人厲鶚以其生於宋末入元未仕遂收入宋詩
然宋亡時庚尚幼觀其集首自序乃泰定丁卯所作
時元統一海內已五十七年不得仍系之宋今仍題
作元人從浙江通志文苑傳例也

又庚嘗客山陰王陰英孫家試越中詩社枕易庚為
第一考官為李侍郎今評評語與原詩並在集中觀
光屏巖小稿亦有此事未詳孰是案王英孫即集中
所稱王修竹監簿林霽山景熙亦館其家故集中有
張林霽山架閣同宿山中詩故相賈秋壑舊府一首

霽山集亦有之

潘音

元詩選潘音字聲甫天台人生十歲聞崖山之變昏
迷不食者累日長而絕意進取衣服禮節皆仍宋時
之舊擬野蔬以自給或勸之曰夷齊尚矣陶靖節心
雖為晉未嘗不食粟今何自若乃爾於是躬耕世田
十餘畝非其力不食也築室南洲山中扁其軒曰待
清至正三年詔徵天下遺逸廉訪使檄贊之行固辭
嘗歎曰泉石膏肓非其時莫可療也乙未歲卒年八
十有六

陳大有

夏洪參

黃文獻集夏生文稿序予筮仕寧海之歲屬當大比

凡充賦者八十五人惟夏君洪參年最少其年之最
高者曰陳先生大有先生宋咸淳乙丑進士入國朝
嘗以將仕佐郎教授處州春秋七十有四矣予止先
生母行先生不聽遂上其名於郡府俄有專使持省
檄起先生為考官先生又不就卒就試有司已而與
夏君俱不合先生既歸老越溪上夏君亦棄舉子業
而肆其力於古文

林昉

林昉田間書僅見說郛所載十四餘條其會友游山
檄語云人有殘縑敗露素繪山一水愛之若異寶得
之必千金至於日與真景會則畧不加嘉喜毋貴偽

而賤真邪求樂之真今日政在我輩春雨既霽春風
亦和或坐釣於鷗邊或得行吟於犢外百年瞬息樂
幾何肴核盃盤隨意所命毋以豐約拘也檄書馳告
盍勇而前南村輟耕錄載之林昉字曉庵說郭作林
芳誤也赤城後集有林半山文集序

陶煜 陶復初

南村輟耕錄宗儀之先人有孝感一事會稽張憲撰
云元故白雲漫士士陶明元氏諱煜弱冠時用家法
事所謂元武神甚謹明元母病心痛痛則拍張跳躍
齧牀簀衾褥號叫以紓苦楚歲頗死者六七發醫莫
能愈明元每搥心嚼舌以代母痛一日危甚計無所

出走禱元武前曰封封股割肝非先王禮在法當某
非不知也今事急矣敢犯死取醫為湯劑神爾有靈
庶幾其瘳禱畢即引刀欲下忽有二童自外躍入入
叱曰毋自損我天醫也明元大駭伏地乞哀童子取
案上筆書十數字於几面擲筆二童子咸仆地隨呼
家人救之啜以水良久蘇乃隣氏兒也呼之無所知
焉視其書藥方也隨讀隨隱明元私喜曰此必元武
神也吾母其瘳矣即如方治之藥甫及口而痛已失
母終身不再舉

書史會要先子諱煜字明元號白雲漫士上虞典史
贈承事郎福建江西等處行樞密院都事早歲就

京師時學書於雪庵得其典則季父諱復初字明本
號介軒老人台州儒學教授贈從事郎温州樂清縣
尹小篆師徐張古隸師鍾梁
畫史會要陶復初師李蘄丘父子及著色竹甚佳亦
能山水

謝鐸 謝瑛

梧溪集奉題宋謝后之祖太師觀文殿大學士益國
公深甫封衛王追封魯王二誥後王之六世孫鐸字
振文有詩名黃巖秀嶺巡檢其子瑛以茂才薦授安
仁縣諭不就就隱居海上有送謝瑛子溫扶父草池
府君櫬還葬天台詩云父櫬賓賢里家山夢月樓脫

驂風稍勁正首願方酬雲屨無危石風帆少逆流孝
心神所助好認魯王丘

舒叔獻

鐵網珊瑚二王墨刻跋云由籀而篆篆而隸隸而楷
楷至二王蔑以加矣此東方畫贊洛神賦確乎見重
於後世也近攻隸書者自負軼出江左追踪漢氏凡
稍涉永和法者則訾之曰此晉字也使誠知晉字為
六朝唐宋之冠則無是語惟其見未見王妙處輒於
似晉者而輕肆雌黃之口而於二王其何傷於日月
乎王起善家藏二帖雖是碑刻精神韻度自是絕塵
他日有訾晉字或一見之豈不媿汗浹背乎至元二

年丙子歲夏五八日天台舒叔獻書

楊敬德

鐵網珊瑚范文正公伯夷頌跋先正范公文武忠孝
親親仁民之德充周穹壤是以尺素寸楮觀者歛衽
曹操王敦桓溫未嘗溫未嘗書不佳也至今見者唾
書伯夷頌流入秦檜賈似道家繇賈遂沒入官宋亡
出於燕趙間復歸吳范氏世所共貴者自在也熙熙
寧以來見者必著姓名豈欲託以不朽耶苟不知觀
感興起之微求公之心希公之德徒珍玩是誇亦秦
賈耳不幾於狎大人乎凡我同志相與勉焉泰定丙
寅七月十九日天台後學楊敬德書

又文正公許下帖跋右文正聞子弟過省答友人書
若固有之視利達為何如哉與常人外飾避避之辭
中懷僥倖之意不可同日語覽者默識於詞意之表
亦足以感發矣天台楊敬惠拜觀謹識時至順壬申
人日

元詩選楊敬德字仲禮台之臨海人歷官應奉翰林
文字泰定三年夏以選授浙江儒學提舉王中丞士
熙作序送之云楊君居史館久文精思緝言議濟濟
志於事功卓然勇往之資也嘗修赤城元統志

陳應潤

四庫全書總目周易爻變義蘊四卷元陳應潤撰應

潤天台人始末未詳黃潛有是書序稱其字曰澤雲
又稱其延祐間由黃巖文學起為郡曹掾數年調四
明掾至正乙酉調桐江賓幕卷首應潤自序題至正
丙戌則是書成於桐江也

台州府志陳澤雲號天台遺逸以詩名見赤城詩集

于演

南村輟耕錄吾鄉于佩遠先生演題金鼇山詩云金
鼇之山金碧浮重玄寶坊居上頭鍾聲夜度海門月
樹色遠攬豐山秋龍伯國人真妙手掣此巨靈鎮江
口丹丘逸士來跨之石窪為尊江當酒黃鬚天子七
寶鞭黃頭漁郎樵江船百年塵跡果何在芒屨雲去

山蒼然歷試諸難固天造中興開國何草草腹心有
疾日月昏英雄無聲天地老兩宮不歸汴水流此地
空傳帝子遊惜無健筆驅風雨一洗江山萬古愁此
詩至今膾炙人口

柯九思

南村輟耕錄文宗之御奎章日學士虞集博士柯九
思常侍從以討論法書名畫為事時授經郎揭傒斯
亦在列比之集九思之承寵眷者則稍疏因潛著一
書曰奎章政要以進二人不知也萬幾之暇每賜披
覽及晏朝有畫授經郎獻書圖行於世厥有深意存
焉句曲外史張伯雨題詩云侍書愛題博士畫日日

退朝書滿牀奎章閣上觀政要無人知有授經郎蓋
柯作畫虞必題故云

又何吾鄉柯敬仲先生九思際遇文宗起家為奎閣
鑒書博士以避言路居吳下時虞邵庵先生在館閣
賦風入松長短句寄博士云畫堂紅袖倚清酣華髮
不勝簪幾回晚直金鑾東風軟花裏停驂書詔許許
傳宮燭香羅初翦朝衫御溝冰泮水接藍飛燕又呢
喃重重簾幙寒猶在憑誰寄錦字泥緘報道先生歸
也杏花春雨江南詞翰兼美一時爭相傳刻而此曲
遂遍滿海內矣

梧溪集讀僧惇朴庵松石稿詩序云惇黃巖人趙宋

宗室裔胡石塘之門生也性介潔不樂茹腥血因祝髮為沙門壯游金陵與五峰李孝光並受知梁王一日公引柯九思見柯以寫竹遂親幸王即位獨召用柯李後送公詩云月行天中央天高如屋極中有雪色兔下土人不識我曾摩其須仙吏睨我側世人乞亮光密如霧雨塞蹴踏河漢搖洶涌若秋汐是誰知此奇南有彌天釋去去不復念令人淚橫臆若不能無慨者公松石稿於金陵時事則無一及之榮念蓋灰如也

畫史會要柯九思字敬仲號丹丘生墨竹師文湖州亦善墨花書史會要能詩文亦善書

書史會要柯氏天台人九思之女通經史善筆札
書畫譜柯九思字敬仲台州仙居人遇文宗於潛邸
及即位置奎章閣特授學士院鑒書博士凡內府所
藏法書名畫咸命鑒定賜牙章得通籍蒙署流寓中
吳又善鑒識金石鼎彝之器時吳人陸友誥為博物
亦歎以為不及

六研齋筆記柯敬仲寫竹必僨以古木煙梢霜樹與
叢篠相映亦有奇趣

圖繪寶鑑柯九思所畫山水筆墨蒼秀丘壑不凡雖
不逮夫四大家亦不亞於流輩

元詩選柯敬仲有晉賢書黃庭內景經因以玉文名

堂奎章學士虞伯生製文虞有天藻亭甘立允從有
懷玉文堂詩云眉山老仙丹邱生三日不出風雨驚
玉文深沉發奇秘天藻動盪流芳英錦鱗行酒白晝
靜金鴨焚香長夜清秋深病久不得往撫卷悵望難
為情

李明復 葛蒙

鐵網珊瑚墨菜詩卷嗤彼膏粱徒豈知蔬食樂所以
士大夫滋味甘淡泊天台李明復

又倪雲林竹美人翠華裾步入虛堂裏月落聽秋聲
憶在湘江水天台葛蒙

張誼

粵東金石略廣州府學有宣聖遺像至正五年次
乙酉正月望日中奉大夫廣東道宣慰使都元師僧
家奴記廣東憲曹天台張謹書

盧思敏

貢性之南湖集送盧思敏歸天台詩盧郎天台人縛
屋天台下年少事遠遊仗劍歷中夏才華擅文藻富
貴若土苴曳裾恥王門望雲念親舍浩然欲歸養即
日具鞍馬上堂奉旨甘載拜獻杯竿適此舞綵歡勝
彼途路者父母見子歸喜氣揚雙眉親戚饋壺漿隣
里將豚雞慰藉遠歸人老幼咸熙熙但諳風俗淳不
識亂與離因君重念山中好歸來已覺輸君早汨沒

塵埃徒我慙顛形容漸枯槁今君往矣誠難留殷
勤為謝羣仙道明年二月春正繇期爾山中拾瑤草

陳天瑞

兩浙金石志元陳天瑞月巖詩刻怪石堆雲矗太空
女媧鍊出廣寒宮一輪常滿陰晴見萬古無虧虧夜
同搗藥聲繁驅白兔洞天孔正透清風光明自照如
來境肯學姮娥西復東至元癸巳中春望日江干後
學雪江陳天瑞題摩崖正書八行字徑二寸在西湖
鳳皇山陳天瑞字德修號南村天台人公輔之後也
登咸淳元年進士與敬周敬孫楊珏楊錡俱師事魯
齋明性理之學為金華令有能名宋末隱遁林壑詩

文極高古效淵明有甲子文集五十卷互見元史周仁榮傳中

台州札記卷十一終

台州札記卷十二

臨海洪頤煊

吳子中

梧溪集台州吳子中過侍郎橋客樓夜話為贈八句
主簿別來久挂名材傑間挑燈且說見劍憂世歸山
石櫃波上閣玉門天外關心期遂雄覽華頂厠僊班
又儉德堂懷寄詩吳子中台人以交父廕主簿會亂不
屑仕東西藩歸隱卒竹梧疎繞堂爛月曉新霜顧影
衣殊短論心酒故長嗣宗狂入晉昭諫義存唐一別
音徽隔天涯獨髻蒼

黃元徽

誠意伯文集正月廿三日得台州黃元徽書有感三
首世亂網恢恢斯人亦淪翳數奇當何如途窮難為
計盲風振喬木碩果失其蒂虎豹落機檻坐服輿皂
制元珠迷罔象白日慘陰曠涉水水有蛟入山山有
羆棄馬感湏無直道懷柳惠青冥無兩翼悲來夜迢
遞結交無疏戚艱難見平生金石苟不渝萬里如兩
楹重山非云遠邈若遼與荆嫵婉豈不懷蛇虺正驕
獐手持故人書心見故人情開書問故人淚下如雨
傾客從何鄉來遺我尺素書道路險且艱故人情有
餘妖氛晦斗極黃濁混龍魚何荃不為猶何麟不為
軀殷勤故人心炯若明月珠投之千文泥萬古光不

渝安得致閭閻以昭君王車

趙友蘭 趙夢龍

南村輟耕錄至正四年甲申江浙揭曉後乃有四六

長篇題曰非程文語與抄白省榜同時板行不知何

人所造有曰劉環即環翁知名於未榜之前代筆之

錢盡去又曰黃巖趙蘭友得家兄字海丞為簾外之

官又曰錯春秋之年分臨海夢龍姓趙又曰潘伯修

蔡餘慶兩舉奚為劉環翁已見前寓居杭州趙友蘭

潘伯修蔡餘慶俱見台州府志

陳德永

元詩選陳德永字叔夏號兩峰黃巖人自幼岐嶷從

林紘齊盛聖泉遊得王相柏魯齋學臺省辟為和靖
書院山長歷官江浙儒學提舉清江杜本伯原稱其
文章似歐陽子尤長於理所著有兩峰慚草
書史會要陳德永字叔夏黃巖人德望清重書宗李
北海

陳謙 范守中 陶宗暹

書史會要陳謙字伯謙天台人正書師虞永興 范
字守中黃巖人博綜羣籍才行高潔書師趙魏
公州里碑碣所書為多 從弟宗暹一名文昭字晉
生江浙等處儒學副提舉楷書學歐陽率更

姚雪心 衛九鼎 盧益修

畫史會要姚雲心書黃巖人善墨竹宗文湖州 衛九
鼎字明鉉天台人界畫山水師王孤雲 盧益修天
台道士善畫水仙師趙子固

李介石

書史會要李介石字守道天台人以儒術飾吏事亦
能古隸梧溪集寄李守道詩引守道諱介石性爽邁
能書詩困約無所遇徽寇陷杭以書見省臣命草符
檄遂器重之授松江府提控案牘從守鎮江後鎮江江
失守以不屈辱而死

陳立善 陳處亨

書畫譜陳立善黃巖人至正中為慶元路照磨工墨

梅與會稽王冕齊名子處亨號方山墨梅妙得其傳

魏顒 陳岳

又魏顒字伯昂天台人工山水 陳岳字甫申不著
里籍隱居天台委羽山善書畫

葉可觀 葉親清友

書畫譜葉可觀天台人嘗寫天顏被命為提舉梵像
監子清友紹其家傳楊維禎送寫神葉清友序云清
友嘗為予寫鹿冠吹笛之像於五湖之間談者謂非
徒得予形骨而又得予神明不在長康之下

張明卿

宋景濂集務光先生張公墓碣銘公諱明卿字子晦

姓張氏天台人公始成童即知家學期以自立弦齋
林氏素心邵氏皆鄉先生行公執經往從之至大間
有詔求直言公慨然為政事書一卷將渡大江凌黃
河以獻於朝既而嘆曰吾為生民計耳不知我者以
其為干祿乎盍止之於是南還而教授里中鄧文肅
公為廉訪使者屢遣使致書起公公謝不往公好施
予甲寅歲惡道殣相望公歲暮自黃巖還逢飢者輒
予錢至家則其囊枵枵空矣公恬然不以為意生平
不嗜榮利築幽齋於智山列圖書左右又甃石為山
蔣花藝竹遇嘉賓之至抵掌劇談醺酒賦詩作為文
章珠貫玉聯有臺閣之風時游戲翰墨筆法穠逸可

翫兼善畫竹石韻度清灑頗近文湖州此皆公之餘
事至論其學術則一以考亭朱子為宗公長身疏鬣
衣冠整嚴昂然如出林之鶴見者畏而愛之因公所
自號務光而稱之為務先生光至順壬申七月卒至
正某甲子十月始合窆於臨海磧嶺之原

林茂濬

宋景濂集中山處士林君墓碣銘君諱茂濬字顯之
姓林氏世為天台望族生平酷嗜吟嘗構一室深廣
尋丈內外以堊塗之白色晃眩若積雪初霽月光穿
漏雖赤目如火涼氣亦脩脩然生君澄坐其中而吟
事益明晚年頓嗜頓嗜金丹之學取周易參同契三

友講之嘆曰一氣孔神無為之根水火交構載其營
魂浮游規中存之又存麤穢既澄游神九門奈之何
捐棄之耶乃調息致修取心一物一物道之說自呼
為三一子通玄之士多寄之集賢院聞其操行清絕
不樂仕進用其所居中山以中山處處士效吳元年
丁未九月二十八日夜漏下三刻大兵下台城君亟
出沒於河年六十三洪武八年乙卯某月日葬於臨
海縣興國鄉慶善里龜溪之原子宗以學術舉於朝
授太原府通判

戴胃

宋景濂集戴府君墓誌銘君諱胃字養和戴氏台之

黃巖人君聞毅通達學周^易尤精推驗測究之池法他
若醫藥兵刑律歷皆習知之壯歲嘗自奇其才走燕
京謁元左丞帖木兒一見語相投教^留其子君時時時
以計千之左丞每稱善號之曰鵬飛先生言其才當
遠致故云將薦於朝君私嘆曰吾以數推之中原將
亂矣遂以母老辭歸已而亂果起年果七十卒^三至正
二十三年十一月廿七日也墓在靈山鄉霓裏大嶺
之東

方濬

宋景濂集臨海方府君墓誌銘君諱濬字德明姓方
氏台之臨海人五代時有以武顯者居臨海仙華山

之東號東山方氏君其後也君少孤能自拔擢超出
流輩誦書不求多解務見於用所交皆台之有名者
元季或薦名於朝授江浙等處儒學副提舉不赴會
方左丞據海上賤儒多倚之求利祿君獨避匿日與
里中故老緣躋山水間歌吟忘返庭有鉅檜每醉餘
盤旋其下晚乃別號檜屏翁至正二十六年二月十
日卒

丁仲容 謝子木

丁仲容檜亭集有寄謝子木謝詩云秦贅誰徵夢年
漢官倉氏豈淹賢荒涼秋浦時時酒彷彿番江夜夜

船湖海客身皆暮齒家山兒歲等春拳何時與和歸
來賦白石黃沙未有田自注白石謝住家黃沙丁住
家案白石令在臨海縣東三十里黃奢在縣西四十
五里丁謝皆當為臨海人台州府志丁復天台人非
是

林邦獻

柯九思送尚醫林邦獻歸天台省親詩嘗藥事親師
華扁玉函方秘得真傳採芝曾斲瓊臺月煮朮時飄
碧海煙幾載尚醫留帝里一朝歸省上江船五雲閣
吏今華髮為報桃花洞裏仙

秦不華寓台

赤城新志秦不華字兼善本白野山人父為台州錄

事因長於台公^生有送友還家詩云君向天台去煩煩
君過我廬可於山下問只在水邊居門外梅應老窗
前竹已疎寄聲諸弟姪老健莫愁予今莫詳其處

新山別館

曹文晦字輝伯天台人有新山別館十景詩序云予
家東北麓作者妣祠堂題曰新山別館直赤城之陽
烏岡岡^之右隴勢北走而中斷屋臨山北繚以修垣牽
連岡岡隴前提高竹後繞羣松上雜還蒼翠如織東
偏為門登石版涉隴上旁通支徑彎環花竹間入館
中西翼小亭坐可五六人有員嶠卻立其前樹氣清
郁禽語瀏亮皆若效奇以出映帶後先予以耳目所

接次其景性情所得發為韻語雖不足為鼓吹風雅
然必著之篇什者志吾樂也曰桃源春曉曰赤城棲
霞曰雙礪洞觀瀾曰華頂歸雲曰磳螺溪釣艇清溪落
雁曰南山秋色曰瓊臺夜月曰石梁雪瀑曰寒巖夕
照至今畫者以此為天台山十景焉

項炯

項炯字可立臨海人端行績學晦迹不仕金華黃潛
晉寧張翥皆重之居吳中甫里書院與顧仲瑛玉山
倡和黃文獻集中有鄉貢進士項良才墓誌銘即其
祖也又為炯撰慥慥齋記楊維禎序郭翼詩云今之
詩合吾之論者斤斤三四人虞公集李公集孝陳公

樵也竊繼其緒餘者亦斤斤三四人天台項炯姑胥
陳謙永嘉鄭東崑山郭翼也又序郊韶詩云我元之
詩虞為宗趙范楊馬陳揭副之繼者疊出而未止吾
求之東南永嘉李孝光錢唐張雨天台丁復項炯昆
陵吳恭倪瓚蓋亦有本者也

大雅集

余藏有舊鈔大雅集八卷題天台賴良善卿編輯鐵
雅先生會稽維禎楊廉評點前有賴良自序稱良選選
詩至二千餘首鐵雅先生所留者僅存三百至正壬
寅錢彙序稱天台賴先生善卿以三十年之勞不憚
駕風濤犯雨雪冒炎暑以采江南北詩人之詩吁亦

勤矣哉王逢後序稱天台賴善卿客授雲間課講暇
嘗哀元之詩鳴者凡若干人篇帙凡若干首名曰大
雅集善卿名良宋名臣諱好古裔世業儒云台州詩
人見於集中者凡十六人

項炯

字可立天台人

徐士榮

字仁則號五雲先生章安人

李復

字道源號菊莊老人寧海人

一作天台

阮拱辰

天台人

釋必才

字大用天台人

徐孝基

字立本章安人

李堯

字象賢寧海人

許弼 字廷佐 黃巖人

柯九思

王澤

丁復 字仲容 號雙檜 老人 天台人

釋元本 字立中 丹丘人

釋曇塤 字大章 天台人

林洵 字季文 天台人

翁仁 字德元 章安人 前進士

金翼 字敬德 天台人

石抹宜孫 劉基

元史石抹宜孫傳繼祖字伯善為沿海上副萬戶初

以沿海軍分鎮台州宜孫其子也常借嫡弟厚孫廕襲父職為沿海上副萬戶守處州及弟長即讓其職還之退居台州至正十一年方國珍反海上江浙行省檄宜孫守溫州宜孫即起任其事其年閩寇犯處州復檄宜孫以兵平之以功陞浙東宣慰副使分府于台州十七年分院治于處又以江浙儒學副提舉劉基為其院經歷

誠意伯劉基行狀方國珍反海上省憲復舉公為浙東元帥府都事復以公招安山寇為行樞密院經歷與行院判石末宜孫守處州基參佐宜孫戎幕往來台州故集中詩詞在台州作者尤多

橫舟和尚

誠意伯文集送順師住持瑞巖寺序辛卯之歲盜賊起四方明年予奉省檄佐戎浙東聞永嘉有橫舟和尚善用矛戟弓弩刀劍戈槊槌挺通曲制官道主用之法因禮致于台時天寧寺住持舜田方宣力扞城晝夜不忘滅賊見則大喜舉以主其仙居三學寺又明年方氏納款請降凡以兵事進者措弗用而有司敬和尚之德能復以其教舉為瑞巖寺長老瑞巖之僧徒聞和尚名亦大喜

方國珍據三郡

鮎埼亭集方國珍亂浙東所據為慶台溫而兼有紹

興曹江之東境以通明壩為地限其用刑甚嚴犯其
法者以竹籠之投於江明太祖招之國珍約降而不
奉期徘徊持兩端及湯信公以師渡江國珍逃竄入
海已而自歸太祖不責前事賞以千步廊百間而國
珍子亞關舊嘗在金陵為質子建言當築城於沿海
以防倭太祖詔下信公施行施行於是築定海處十
一城定海城為衛而以大嵩穿山霏霧翁山四城隸
之觀海城為衛而以龍山城隸之昌國城為衛而以
石浦錢倉爵溪三城隸之皆以亞關之言也國珍父
子於元末羣雄為首亂鼠竊一十八年真人出而燭
火息其罪甚巨而吾鄉藩籬之固則亦其父子實啟

之不可謂無功其吾鄉府城因元初隳天下城池而壞者雖築於納麟之手而亦至方氏始完不然嘉靖以後王直徐海之亂荼毒更有不可言者矣明初羣雄割裂祇國珍以令終既內附有女適沐黔公子在滇中凡鄧人仕滇如應布政履平輩女敦鄉里之誼還往若親戚然則方氏之竊據也所謂盜亦有道者耶羣從弗戢竟隕厥宗悲夫

陳敬初兄弟

列朝詩集小傳陳學士基字敬初臨海^人少與其兄兄襲受業於黃侍講潛從潛游京師授經筵簡討嘗為人草諫章力陳並后之失上怒欲罪之遂引避歸里

奉母入吳教授諸生南州用兵朝廷開行樞密院起
為都事轉江浙行省郎中以本職參張士信軍事自
杭來吳參太尉府軍事太尉稱王基獨諫止太尉欲
殺之不果已而超授內史遷學士用院學吳平召入
預修元史賜金而還洪武三年十月卒於常熟河陽
里之寓舍敬初在藩府飛書走檄皆出其手敵國分
爭語多指斥吳亡之後吳臣多見誅戮而敬初以廉
謹得免今所傳夷白集者指斥之詞儼然臚列後人
亦不加塗竄太祖之容敬初何啻魏武之不殺陳琳
又陳瑩字敬德天台人敬初之兄兄弟從學於黃晉
卿刻志讀書詩尤工律體

陳基小丹丘記予五世祖由永嘉徙台之臨海距城
百里而遠早孤不逮事先君子甫兒時即有四方之
役道過天台不能復記憶及長閱天下圖書所載始
知天台為名山余家去山之遠近了不能踰度也豈
惟山哉宗族姻黨親疎稊耄俱不能盡悉鄉人有自
東來偶與之接者聲相勞苦乃或偶知其一二否則
不相知者十七八余久居於吳婚娶育子女於吳衣
錦食稻於吳母沒葬於吳之壤僕妾廝養皆吳人盡
室皆吳語而予獨操越音於其間予所處亦豈得已
乎哉嗟乎羈旅四方食飲服御與吳人異者鮮矣四
方之人遂皆以吳人目之而予老且仕不出吳境吾

自視亦吳人而已今年春治廢園葺屋三數椽因扁之曰小丹丘昔孫興公賦天台有曰仍羽人於丹丘為天台之別稱予今扁之蓋有昔人不忘其土之意乎

劉仁本

列朝詩集小傳劉左司仁本字德玄天台人以進士業中乙科試吏閩於歷官江浙省左右司郎中朱右羽庭詩稿序云侯以經濟之才當艱阨之運為國家安輯海隅以通運道國史實錄云朱亮祖克温州獲其員外郎劉仁本方谷真本傳云谷真兄弟目不知書同邑劉仁本張本仁等佐其謀議以諸書參考之

谷真海運輸燕仁本實司其事仁本之為省郎蓋元
官也或谷真請於朝而授之也國史云獲其員外郎
則直以本仁本為方氏之官矣淮張及慶幕府辟授
畧倣有唐藩鎮承制故事而國史考之不詳也方氏
盛時招延士大夫折節好文與中吳爭勝文人遺老
如林斌薩都刺輩咸往依焉至正庚子仁本治師會
稽之餘姚州作雩咏亭於龍泉左麓彷彿蘭亭景物
集名士趙倣謝理朱右天台僧白雲以下四十二人
修禊賦詩仁本自為之序叙又僧恕中記仁本刻詩成
取明州佛藏糊為書衣揭去經文裝潢其詩吳元年
取明州朝廷數仁本之罪鞭其背潰爛現肝臟乃死

蓋毀經之報也

靜志居詩話左司續蘭亭會自序云庚子春仁本治
師會稽之餘姚乃相龍泉之左麓麓州署之後得神
禹祕圖之處水出崑罅潄為方沼疏為流泉卉木叢
茂行列紫薇間以竹篁彷彿乎蘭亭景狀因作雩詠
亭以表之合甌越來會之士得四十二人同修楔事
取晉人蘭亭會圖詩詩缺不足各者占其次補四五言
各一首因曰續蘭亭會云續蘭亭會詩序碑在餘姚
縣學予藏有藏舊榻本碑分四層據序稱樞密都事謝謝
理以下得四十二人同修楔事碑所存止仁本以下
十二人詩各二篇錢辛楣詹事疑當時本刻二碑而

亡其一朱竹垞靜志居詩畫亦云四十二人名氏未能悉考詩僅存者止此十二人則所見者亦僅此碑矣

四庫全書總目羽庭集六卷元劉仁本撰仁本字德元天台人以進士乙科歷官温州總管江浙行省省左右司郎中時方國珍據有溫台招諸郡士大夫夫仁本入其幕中參預謀議國珍歲治海舟輸江淮之粟於大都仁本實司其事其所署省都郎官蓋即所授故集中諸作大都感慨陷危眷懷王室其從國珍蓋欲借其力以有為徐圖興復亦如羅隱之仕吳越實心不忘唐觀其贈李員外自集慶回河南詩云漢

兵早已定中華孫述猶鳴井底蛙於明祖顯然指斥其志可知厥後國珍兵敗仁本就擒抗節不撓至鞭背潰爛而死則仁本終始元人未嘗一日入明永樂大典題曰國朝劉仁本非其實也仁本學問淹雅工於吟詠故所作皆清雋絕俗不染塵氣其序記諸篇篇述方國珍與察罕通使及歲漕大都諸事多紀傳所不載亦可補史闕原本久佚謹就永樂大典所載以類編次釐為詩四卷文二卷仍改題曰元劉仁本以存其真焉

方明敏

列傳朝詩集小傳方參政行字明敏黃巖詩名東軒

集宋濂序曰明敏仕於元嘗參知政事於江浙行中
書按方谷真據慶元姪明善據溫授江浙行省平章
又有明鞏明謙者明敏或其羣從也復見心蒲菴集
夜宿東軒坐東方明敏大參詩云重來濠得盤桓翦
燭東軒坐夜闌國初元臣例安置濠見心奉詔佳鳳
陽與明敏數唱酬知明敏亦徙濠也沐景顯滄海遺
珠多載國初戍濠之詩而明敏與焉知徙濠後又謫
滇也予之初考如此及見袁忠徹古今識鑒云方明
敏國珍子也柳莊相之曰君邊庭赤氣如刀劍殺二
九日有陞進隨從父克大倉授分省參政調江西乃
知明敏為谷真之子前元之陞授實以谷真裔子之

役而予初考為未詳也袁記又云洪武戊午國珍已
歿明謙受剝膚之刑舉族累禍則明或於此時得得教
以從輕典戍滇也洪武實錄載谷真質子曰關曰元
後與其子明完明則俱降完小臣名亞關關即也宋完
濂神道碑載子男五人其二則禮與完谷真病亟時
授官以慰之者其三曰才則安則未知此五人者孰
為明敏者也谷真諸子姪內附前後名字竄改更互
不可考叢史家闕誤若此者多矣豈獨杞宋無徵為
可歎哉谷真竊據時招延文士薩天錫朱右輩咸往
依之劉仁本詹鼎則親近用事潛溪盛稱明敏襟度
瀟灑善談名理於書無所不讀古詩俊逸超羣律詩

婉麗清切則明敏於國初居然勝流未可以楊山遺種而誚之也慶元之父子淮張之兄弟右文好士皆有可書志勝國羣雄者無抑沒焉

孝友堂記

誠意伯文集孝友堂記陶君忱仲及其子凱俱有孝友之行於是臨川葛元哲請以孝友名其妻堂陶者台之臨海人也舊為巨室生八年而母卒繼母弗能愛及長娶吳氏相與謹事母母終不能客君乃與妻出居於外力勤苦織績以為食朝夕入定省弗曠而父與繼母自治其產不使君與聞久之家日匱父又且老繼母所生弟妹皆無以具婚嫁君乃迎父及

繼母於已養以其資為弟娶婦嫁其妹咸得所由是
繼母大感悟君益虔門庭之內穆穆如也吳氏早喪
父其母沈無以養君亦迎養之以壽終于陶氏凱讀
書有文行為貧故恆出外以經學教授弟弟子子自
四方來從者甚衆故得以其束修之入佐父治喪葬
供祭祀悉如禮上世墓域有奪於勢家者咸贖而表
之凱無他兄弟惟一妹適顧氏早卒凱為育其子及
女以成人如已子故鄉黨之稱孝友莫不曰陶氏父
子而士大夫為詩又為詩為詩以歌咏之於是括蒼劉基既
叙其事復為之言凱字中立今之鄉貢乙科為永豐
縣教諭與余善

陶宗儀

孫作南村先生傳先生名宗儀字九成姓陶氏其先
由閩之長溪徙永嘉陶山再徙之黃巖黃巖之族族
二曰赤山曰陶夏陶夏諱泰和者宋皇祐裏溪都巡
檢也復徙湫水是謂先生之始祖曾大父居安太府
赤寺簿大父應雷太學錄父煜贈承事郎福建江西等
處行樞密院都事先生冲襟粹質灑然不凡少舉進
士第一不中即棄去務古學無所不窺出游浙東西
師潞國張公翥永嘉李孝光京兆杜本問文章為事
故其繩檢家法過人遠甚尤刻志字學工舅氏趙集
賢雍篆筆家甚貧抵淞教授弟子遇人無險夷倭直

一接以誠平居寡言笑至論古今人物上下數千年
竟日不倦至正間浙帥秦不華南臺御史丑閤辟舉
行人棺校官皆不就未幾太尉淮東張士誠聞姑聞蘇
數郡之士畢至其部帥議以軍諮屈先生亦謝不往
入職方洪武辛亥詔取天下士癸丑令守令舉人才
又以病免或誚讓之曰黃金白璧重利也駟馬高蓋
榮勢也天下之士孰不靡然嚮風而子矯矯若是先
生嘆曰捧捧檄而喜所以為親祿不逮養適增悲况耳
今賢良輩出草莽之臣老死太平幸莫大矣踰分之
榮其覲敢覲乎藝圃區果蔬蘋度給賓祭已餘悉
種菊栽接溉壅身自為之間遇勝日引觴獨酌歌所

自為詩撫掌大噱人莫測也先生崎嶇亂離幾二十年喪葬祭禮備盡其力人以孝稱由避兵家淞城之北泗水之南諸生買地結廬遂居以老晚益閉門著書世所共傳說郭一百卷輟耕錄三十卷書史會要九卷四書備遺二卷其未脫藁者不與焉贊曰古云雖無老成人尚有典型老成邇矣得見典型者斯可矣憶予幼待侍先君子采宋故實至走杭遺老年八九十者錄而傳焉言極必流涕太息曠四十餘年必無其人久矣不自意文獻之徵猶有如輟耕錄者在然不百年吾恐未知是書之為寶也使知為寶則南

村心術之微雖無予言有弗傳耶

又南邨輟耕錄序余友天台陶君九成避兵三吳間
有田一廛家于松南作勞之暇每以筆墨自隨時時
輟耕休于樹陰抱膝膝而嘆鼓腹而歌遇事有榮枯葉
書之貯一破盎去則埋于樹根人莫測焉如是者十
載遂累盎至十數一日盡發其藏俾門人小子萃而
錄之得凡若干條合三十卷題曰南村輟耕錄

朱右

珊瑚木難陶凱朱府君行狀公諱右字伯賢姓朱氏
其先河南偃師人建炎初扈從南遷至台之臨海遂
家焉曾祖正甫祖致中受業王文憲公著書傳發揮
號春江先生父應時妣謝氏宋參知政事申圖榮敏

公廓然曾孫女生公與其弟四人公幼聰敏學知向
方父母所鍾愛家貧單鬻產以教之既長博通羣書書
後以書經應進士舉不得志遂刻意為歌詩文詞動
以古人為法間嘗游金陵南臺監察御史趙承禧舉
才堪校官浙東帥閫檄授慶元路慈溪縣儒學教諭
丁外艱所居環堵蕭然歲寅遭兵燹奉父遺殖權
厝臨海縣楊梅山因徙居城府依其舅氏居二十年
舅氏亦卒奉母入越授徒為養俾其弟居守墳墓時
往來吳越間又處徙居上虞伍夫里大調紹興蕭山縣
儒學教諭江浙行省丞相蔡里公承制擢公為其縣

主簿歲丁酉遭母喪遷父遺函與母合葬餘姚蘭風
鄉金雞墩庚子除江浙行省照磨左右司都事轉員
外郎公學益力造詣益深名聲日蔚然以起洪武三
年春用薦召至京師預修元史既竣事以疾辭還蒙
賜金帛六年宋公濂舉公有良史才八月至京師上
命入史館纂修日歷十一月戊戌甘露降於鍾山公
作甘露頌以獻賜綵段歷稟成特旨授公與趙壘朱
廉三人翰林國史院編修官七年又奏上皇明寶訓
五卷駕幸翰林院公應制賦簷鵲春聲詩二月賜春
衣羅一縑絹一匹高麗布一匹傳旨俾公入晉府講
書上諭之曰老朱爾去教晉王講經史令其通曉大
義詩文法度十一月上御城南齋宮勅諸儒與公特

考正韻書十二月令考古喪禮八年正月奉旨考歷
代后妃儀衛車從時禮十一月召入武樓下賜膳語
及中舉月舟字說命賦一篇以進八年秋授晉府長
史公生於延祐甲寅九月十有七日至是不幸以疾
卒洪武九年正月十四日也娶張氏先卒繼詹氏子
男二人長孝達次孝錫女一人曰珉孫男二人曰震
曰巽公生著述有白雲編十一卷春秋傳類編五三
卷三史鉤玄三卷秦漢文衡三卷深衣考一卷郭子
世家一卷選唐宋六先生文集修李鄴侯傳一卷補
注漢魏詩四卷歷代統紀要覽一卷元史補遺十一
卷藏于家

又宋濂朱府君墓誌銘君軀幹端雅美鬚鬚鬚少為學甚力讀書無所不究在翰林時每以辭章獻奏對精密顧盼有威儀上甚眷重之每稱以老朱而不名君內外行俱可稱尤急於義郡士郭秉心死濂梁率朋友具棺歛以其喪歸以貧告者分貲財相遺恤與人言恭敬詳慎固有德人也而其壽僅六十有三墓在餘姚縣凌雲峰之原

男瞻墉校字孫鳳

鑒侍